

上無跡

其六

虛心翠竹稟天然一氣生來清獨月下風前
堪賞說朝誰令人無俗嫩葉蕭蕭驟降冬掩映
秀出千林木英姿光潤狀同玄圃寒玉 好

事東里田侯乃東隣也南溪新種使我聞青日
盡日高吟窗外看風颺筠梢搖綠舟幽香
蕭蕭疎影坐臥清肌肉雲愈閑伴雅懷惟稱
仙福

其七月

假巖傍隴音長更蕭索昏魔非一皓月澄
澄山上顯天角輝輝初出露結霜凝金華玉
潤淺莎何飄逸清臨案宇發揚神秀姿質
悽愴六合群情淹沉幽昧怛劬勞疾大關
良因弘濟度皆得道遙寧誼浩氣騰騰餘光
鶴鶴至性那虧夫圓明法界法輪常自充實

其八暮秋

霜風蕩颺舞飄零木葉斜飛阡陌極目長郊
凝望處衰菊爛熳猶折點點蒼苔漫漫朝露
漸結清霜白山川高下盡成一片秋色 滿

灑萬物摧殘淒涼天氣愁損征途客水谷雲
根無可託獨有蒼蒼松栢悟道真仙志機逸
士亘古同標格欺寒壓眾自來天地饒得

其九述懷

群山四瀆暮天晴揮斥陰魔潛伏太一巖前
風道快千尺波翻蟾足怒雷驚濤衝堤拍岸
雷輶雲翻逐青鷗白鷺月明江上飛速 高
下萬壘千群相呼相召會合清江曲寶月神
珠時逗引輟出都忘鈴東踴躍飄飄玲瓏燥
燥價忽連城玉舍私光天上天入地翻覆

其十仙事

十洲三島運長春不夜風光無極寶閣瓊樓
山上聳突兀巍幾千尺綠檜喬松丹霞露霧
簇擁神仙宅漫漫雲海奈何無處尋覓 遙
思徐福富時樓船東下一去無消息萬里滄
波空浩渺遠接天涯秋碧痛念人生難逃物
化怎得游仙域越凡入聖在手身外身易

其十一樂道

迎今送古數春花秋月年年如約物換星移
人事改多少翻騰淪落家給千兵官封一品

得也無依託先陰如電百年隨手偷却有
幸悟入玄門擊開疑網撞透真歡樂白玉壺
中祥瑞單一粒神丹輝霍月下風前天長地
久自在乘鸞鶴人間虛夢不堪回首重作

其十二性通

法輪初轉慧風生陡覺清涼無極暗色凝空
嘉氣會豁蕩塵煩宵臆五賊奔亡三尸逃遁
表裏無蹤跡神思安泰湛然不動戈戟 信
步紫陌紅塵飢餐渴飲度日隨緣覓物外閑
中天地寶時復玳瑁敲擊後約客師前程歸
路自有真消息鶴書來召坐昇雲漢遊歷

沁園春 示衆

世事紛紛似水東傾甚時了期歎利名千古
爭馳虎豹丘原一旦總伴狐狸枳棘叢中桑
榆影裏亂塚堆堆誰是誰若知否謾徒勞百
載空皺雙眉 爭如歸去來兮放四大優游
無所為向碧巖古洞完全性命臨風對月笑
傲希夷一曲玄歌千鍾美酒日月循環不老
伊童顏在鎮龜齡鶴壽罷唱黃鸝
列鼎雄豪免走鳥飛轉頭悄然似電光開夜

雲中乍閃展霜迎日草上難堅立馬文章題
橋名舉恍惚皆如作夢傳爭如我做忘機息
慮返樸歸原 壺中異景堪憐是別有風花
雪月天龍四時時現祥雲瑞氣三光光罩玉
洞瓊筵滿泛流霞高吟古調骨健神清丹自
圓具堪愛待功成一舉永鎮飛仙

智慧男兒速悟塵勞勿將性疲但此身彼物
皆名幻化多虛少實不可追隨萬種纏絲千
般汨沒荏苒光陰老却伊爭如向太玄真教
法討論希夷 乾坤蕩蕩無依似一片閑雲

出世奇悟性宗合道息山易挂神舟得岸若
海難迷行滿功成仙游羽化物外何如土底
歸無他事要昇天入地俱在心為

其二 心通

大智閑閑放蕩無拘任其自然寄雅懷幽興
松間石上高歌沉醉月下風前玉女吹笙金
童舞袖送我醺醺入太玄玄中理盡浮沉浩
浩來自繚繚 奇哉妙景難言算別是人間
一洞天傲立身敦厚山磨歲月從他輕薄海
變桑田神氣沖和陰陽昇降已占道遙陸地

仙無煩惱任開懷縱筆狂寫詩篇

其三 九日號蘇

擘擘重陽秀氣飄飄廓周大千正故卷交會
賓朋浩浩青霄依約鴻鴈翩翩是處登高街
杯逸興放曠猶如陸地仙朝真會讀金風液

蕩玉露新鮮 黃花嫩蕊堪憐散象裏清香
滿坐傳使衆人得味皆明至道群鶯無語獨
王聲秋天艷杏妖桃繁華春景莫與凝霜敢
聞堅乘嘉趣對芳叢爛飲一醉三年

水龍吟 西魏

鳳鳴南邑清嘉大仙降跡行鸞地琳宮寶閣
星壇月館槐陰竹翠煙蓋雲幢影搖寒殿往
來呈瑞向虛亭東望平川似錦洪河泛渺天
際 山秀水甜人義適坊村各生和氣我來
不忍輕歸劉蔣天心地肺須待他時暗淘真
秀育成丹桂去長安路上眠水卧日作終身
異

其二 學世

算來浮世忙忙競爭者欲開煩惱六朝五霸
三分七國東征西討武畧今何在空樓墮野

花芳草歎深謀遠慮雄心壯氣無光彩盡灰
槁 歷過長安古道問鄠城百年遺老唐朝
漢市春宮周苑明明見告故址留連故人消
散莫通音耗念朝生暮死天長地久是誰能
保

其三 夜晴

夜晴寥廓初寒淡天螢微瑤璃翠無陰樹下
長安樓上月明風細百榻潛消萬家同賞一
般清味見金星朗朗銀河耿耿交光燦滿天
地 流轉碧空如水任縱橫略無凝滯銜山

拍海傾光騰秀綿綿吐瑞達了從茲寶笈堅
固王漿時泥把衷情欲訴何人會得且陶陶
醉

其四 春興

吳天空闊初晴氣迴萬物欣欣茂亭臺俯仰
山川高下粧成錦繡碧洞清泉響聞逸逸一
聲長溜更時時注目悠悠遠看青峯上白雲
湊 無限靈禽異獸慰閑心不辭柴瘦舍風
翠柏雙崖爭長千林競秀耀日丹臺四時為
伴百年隨壽任寒來暑往星移物換得高眠

畫

洞天春色盈盈亂山秀出千堆錦雲收雨歇
曉晴煙淡碧空橫枕高卧怡怡頓開懷抱釋
迷忘寢看仙花瑞草迎風照日騰光彩異凡
品 歡慶時豐歲稔萬邦寧百邪俱禁太平
國裏長安陌上縱橫有甚大道無疑傍門斜
徑不須詳審是從來浩劫神仙過路但曾經
倦

其五道運

混元南嶽初開瑞雲透出崑崙表星移電轉
陰昇陽降紅光縹緲鶴舞鸞翔看烏龜共赤
蛇蟠遠盡鴻濛一氣烹成造化神仙道片時
了 雲散十洲三島洞天深月明風裏此時
占得長生門戶遐齡體調吟詠從他海移山
變石枯松老伴煙霞獨向非非境外恨知音
少

滿庭芳 述懷

漂泊形骸顛狂蹤跡狀同不繫之舟道遠終
日食飽恣遊任使高官重祿金魚袋肥馬
輕裘爭知道莊周夢蝶蝴蝶夢莊周 休休

吾省也貪財戀色多病多憂且麻袍葛屨閑
度春秋逐逐巡村過處兒童盡呼飯相留深
知我南柯夢斷心上別無求

其二警世

百尺危樓千間峻宇艷歌出入從容幻身無
賴何異燭當風舊日掀天富貴當時耀絕代
英雄百年後都歸甚處一旦盡成空 諸公
聞早悟抽身退跡躍出樊籠念本初一點牢
落無窮幸遇時平歲稔偷閑好消息團融忘
機處靈波湛湛獨鎮水晶宮

其三

余曰東道西留關中十五餘年
開關中善士為美先考妣不勝
感涕遂成小
詞寄謝云

切推拋家私負樂道離心物外飄蓬故山墳
墟時節罷修崇幸謝鄉豪併力穿新壙起塔
重重遺骸並同區區葬遷入大塋中 人從
關外至皆言盛德悉報微躬耳聞言心下感
念無窮自恨無由報德彌加志篤進玄功深
回向虔心道友各各少災兇

其四九日

塞馬聲迴園林色變暮秋別是風光練波橫

地錦樹映天長過雨雲山磊落迎霜茂金菊
芬芳佳辰會千門萬戶歡笑慶重陽 嘉祥
誰得過吾門四友極味先嘗乃頻嘗清露時
倒霞漿飲罷醞醞灌頂歸來後月滿虛堂無
愁思陶陶快樂酌入仙鄉

其五神光燦

悲歡絕念視聽忘懷從初號曰希夷不曉根
源剛強說是談非百般拈花摘葉徒勞使
盡心機這些事算人人易悟箇箇難依 不
在唇槍舌劍人前闊惺惺廣學多知上士無
爭只要返撲除疑冥冥放開四大把塵勞一
旦紛飛認得後管教賢拍手笑歸

推窮三教誘化群生皆令上合天為慕道修
真行住坐卧歸依先須保身潔淨內常懷慈
物慈悲挫剛銳乃初心作用下手根基 欺
欺磨慧情性餘貪愛時時剪拂愚迷福慧雙
全開悟自入希夷靈臺內思不疚任縱橫出
處何疑徹頭了儘虛空截斷是非

修真門戶大道家風長春境界無邊秀氣盈
盈開裏別有壺天中自然快樂運三光日

月周旋忘伎巧任溥風坦坦聖道平平一
念還鄉寂處三宮罩清靈萬派歸源浩浩神
光來去透骨綿綿行人頓除造作待功成指
日登仙未行者向詞中明取一言

上丹霄速成

洞天清神山秀少人行盡貪戀世夢睡嶸仙
風瑞景眼前雖頻却如盲愛河終日競浮沉
來往縱橫 東方出西方沒南方死北方生
四方轉異類翻騰區區甚日道畔開闢欲心
更願將靈骨悟空華彼岸高登

其二 贈京兆府北
軍夾谷龍光

感皇恩承天詔控西南大門敞高對煙嵐雙
權再任過期無代復登三晏然軍國事和平
災害封緘 年將暮心歸道搜玄路訪清談
降尊龍下無慚山人放曠本來無得有何
參但能慈忍戒荒淫名挂仙街

其三 答陳州防禦
裝滿鎮國

厭塵勞拋家計慕清閑向物外觀照人間須
史變滅蜚樓歌側海濤翻暫時光景轉身休
百歲如彈 歎天富傾城麗過人勇徹心姦

盡逐境顛倒循環紛紛醉夢往來爭奪苦推
殘不如開早伴煙霞高卧雲山

月中仙 賞月

日色西沉上高臺迎觀天地寥廓星隱現
空一輪明月胎胎無著皓然三界外似百鍊
青銅鑑躍處恩光被家家照臨庭戶落漢
漢 長生萬里清風助乾坤蕩搖雲霧難作
仙宮寶殿正爛霞金碧相輝峯錯大哉銷夜
景鎮千古合私磊落有志攀青桂蟾宮免遠
看搗藥

其二 山居

側磬懸鐘暮葉由隱淪活計蕭索天然取介
愛一身孤僻逍遙雲壑利名千種事我心上
何曾挂者幸遇清平世請軍安安刀劍罷揮
霍 民歌雨穗之豐教門與我忘三島之約
來賓去友遠日常幽谷勝鸞鶴洞前無限
景異花秀香風噴薄更謝沂源泉友餐助余
長孺樂

其三 對松

落落長松倚浮雲大山高占幽僻亭亭隱士

愛洞天巖穴深藏虛極對門開是景挂猿狖
誰羅峭壁盡日無他事唯調虎龍交媾坐磐
石 時時鶴聽嘉音動笙簧轉流空外飄激
人明至道惡管絃幽燈花間沉溺出群常羨
此歲寒重孤凝黛色鍊性超於彼身閑承同
居壽域

瑤臺月 自許

平生懶墮只贏得無憂一枕高卧蓬頭垢面
不管形骸摧挫任三光日夜奔馳放四大林
泉擔荷深溪畔幽巖左青山擁白雲鎖災禍
雷轟電掣無由近我 日午起行了遠坐把
舊習般般打破清閑處唯有這些兒箇倦貪
心樂受貧窮愛恣恣情與煙火裡無財丹無
貨蕭然唱灑然和堪可神仙未了優游且過

其二 勸酒

得名浮利歎今古悠悠顛倒人泥茫茫宇宙
多少含靈惡智童生終日貪圖競抵死奔
波沉滯觀鳥兔嗟身世百年壽一春寐虛費
爭如滿酌流霞送醉 助四大聊壯神氣辨
萬化休論富貴時時訪山谷道人游戲做鴉

1100210 035-5

狂物外高吟慶滑杯中羨味閑懷抱忘愁
繫解其紛挂其銳遙致青松皓鶴懸懸度歲

木蘭花慢轉軸

歎靈源曠代本無極信優游自撰散形生菊
磨混沌落入行囚矜研四方究轉向迷津大

海苦淹留法界群情擾擾夢魂千古悠悠
淪流敗骨如山知何日是程頭好銀鍊真空

三光慧照萬劫雲收終須捨身拚命更惜頭
護面幾時休裂碎中間一點便越得岸神舟

其二西嶽作甚者多而感應至

佇登臨曠望湧雲氣北山興旋恍惚陰陽虛
無變化家廓充盈奇峯狀如太華霽稜層峻
極染空青急雨翻盆潑墨迅雷激電飛聲
威靈大駭神通三伏暑結凝冰歎是處飄風
良田遇害屢屋遭傾唯斯道鄉幸感靈濟
至也忽然輕深信皇天輔德善因惡果分明

望海潮學道

神仙風範長生門戶從來道德為基餘外萬
般留心一念顛狂造作皆非具教示開迷自
上古軒轅龍駕騰飛代代相傳授至今日盡

歸依 虛無千聖同規蓋推殘者欲剖判天
機貪利喻離親身是夢登航不整容儀恬素
返希夷任垢面蓬頭紙襖麻衣行滿都拋却
泛家廊步雲霓

其二脫俗

堅牢基址清閑門戶生涯不比塵緣幽曠大
山通明上士遙遙傲傲神仙動向巖前緩
植桂栽松藥圃芝田萬仞高峯下伴龜鶴度
流年 吾常志僻心顛愛草淡薄詞翰嘲
掀幽洞小溪開懷取興時成短句長篇馳馬
勝花殘任奮筆狂吟走霧飛煙放蕩如如性
混終日恣乾乾

醉蓬萊九月十八日西嶽劉氏錄

乍三清鶴降萬里雲收吳天空翠玉磨琅琅
動乾坤聲銳盡日修齋虛堂設醮慶大仙恩
惠滿獻霞航長歌妙曲留連師意 二九良
辰菊花開遍正是重陽素秋佳氣爛熳香風
健飄飄丹桂秀景希逢上具難過幸一時相
際鴈影沉沙塘光照夜醴醪同醉

齊天樂憶法華

自東離海上元本三州四人同契異域殊鄉
同行並坐終日相將游戲談玄論妙究方外
清虛道家真味唱和從容一時法春情何義
如今分頭迥然苦志勤心磨鍊各逃傾逝既
是飄零難為會合幽僻關山迢遞乾坤間隔
望落落猶如曉星之勢再遇何年駕雲朝上
帝

帝

漢宮春苦志

二十年間大魔交正陣約度千重狂弓迸箭
暗窺窠落無窮因心睡覺透歷年無礙真宗
興慧劍群魔自然消散獨騎威雄 出入銳
光八表算神機莫測天網難籠驅雲掃霧蕩
搖法界無蹤飛騰變化任太虛蕭瑟鳴風巡
四海崢嶸往來幾箇人同

留客住借道

四元遇過華山共臨泰地詠歌談笑暗闌重
陽嘉趣無為自令人化有幸天使官磨相間
阻東連海上奮三公高義大開門戶 教行
普敷我離群忘形慵舉內省無德外患何憂
何懼三光盛表交變萬化恩害相生天地數

留身且住待青霄得志坦然行步

梅花引 磻溪舊隱

無名客無牽迫無桑無梓無田宅古巖前老
松邊長歌隱几徐徐考太玄玄中默論無生
死實際何曾分彼此貫千經恊三靈包含萬
化都歸一念冥 行不勞坐不倦任行任坐
隨吾便晚風輕暮天晴道遠大道南溪上下
平溪東幸獲忘形友月下時斟消夜酒酒杯
停月華清披襟散髮欣欣唱道情

六么令 法性

渾淪撲散天地始玄黃鳥飛兔走漸生群物
類開張一點如如至性撲入隄皮囊游魂失
道隨波逐浪萬年千載不還鄉 錯了鴻濛
體段憎愛日相望却認父母形骸做好容
光劫劫輪迴取骨受盡苦和殃何人問早尋
他歸路瑩然慷慨舊嘉祥

菱荷香 乞食

日莫為信騰騰迷村覓飯充飢攔門餓犬撐
突走跳如飛張牙怒目待操心活殺人皮是
則是教你看家寧分善惡不辨高低 可數

信信此物蓋多生辛劣一性昏迷設科演教
叮嚀插耳難知雖然太上駕親臨無處慈悲
為人早早修持運到佳時發慈悲

喜遷鶯 律心

要離生滅把舊習般般從頭磨徹愛欲千重
身心百鍊鍊出寸心如鐵放教六神和暢不
動三尸顯厥事猛烈仗虛空一片無情分別
關結除絲縈方過至人金口傳微訣頓覺靈
風吹開塵障形似木雕淫捏既得性珠天寶
勤破春花秋月佳時節鬼難呼唯有神仙提
挈

磻溪集卷之五

磻溪集卷之六

樓霞長春子丘養撰

友六

詞

鳳樓梧寄東方

天下風光何處好八水三川自古長安道錦
樹屏山方曲遠天涯海角誰能到 既是拋
家須早登程莫戀關花草直上潼關
西嶽廟教君廓爾清襟抱

其二 道友見功

孤僻堪巖清淨界鑿王安身抱道忘知解道
友相看唯莫浪貧閑守拙無相待 富貴功
名堪倚賴多是多非失檢多成敗王食馨香
終不耐單瓢寂淡常安泰

今日思量當日故知我前程迢遞時難度福
祐不私天不助忽忽欲去無門去 走骨行
屍心已悟魂夢悠悠且向磻溪住幸謝街坊
豪傑戶時時慕讀來相顧

其三 述懷

西轉金烏朝白帝東望翠壑暗色籠青桂漸
扣南華排菊會滿斟北海醺醺醉 醉卧終

110214A B 35-2